



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Illvstrissimi Viri Petri De Marca Archiepiscopi Parisiensis Dissertationvm De Concordia Sacerdotii Et Imperii, Sev De Libertatibvs Ecclesiae Gallicanae, Libri Octo**

**Marca, Pierre de**

**Parisiis, 1669**

X. In caussa Chrysostomi, dispensationis æquitatem repudiabat Cyrillus, & Canonum observationem præferebat paci Occidentalium. de quibus explicandus Cyrilli locus. Sed tandem rediit in gratiam cum ...

**urn:nbn:de:hbz:466:1-15591**

scopi olim fato functi sententias, è quibus virus suum Nestorius hauserat, impietatem quidem hæreticam damnavit synodus, eoque qui similia saperent; sed à nomine Theodori damnando temperavit οἰκονομίας, ne plerique viri ejus auctoritate moti, in alia omnia abriperentur, & ab Ecclesia potius quàm à Theodoriani nominis communionem recederent. *His verò condemnatis, inquit, qui sic sapiunt, nullam viri (Theodori) memoriam fecit (synodus) dispensativè, nec ipsum nominatim anathemati subiecit propter dispensationem, ne quidam ad existimationem viri respicientes, sese ipsos ab Ecclesiis separarent. Dispensatio verò in his optima res est & sapiens. Si enim adhuc in vivis esset, & Nestory blasphemiarum fautor, aut suffragari vellet iis quæ scripsit ipse, anathema etiam in propria persona subisset.* Unde colligit Cyrillus cavendum esse, ne si Principes, aliorum Orientalium qui Constantinopolim acceperant libellis interpellati, edicto suo Theodori memoriam damnatum eant, tumultus inde occasio nascatur in Oriente: cujus periculum imminere scripserat Ioannes Antiochenus, plurimòsque Theodori memoriam proferri nullo modo passuros. Quæ fervidis illis assertoribus fidei Cyrillus denuntiari cupit, ut à dissensionibus excitandis specie pietatis tandem abstineant. *Potest enim etiam iis qui hæc petierunt dispensatio rei enarrari; ut quiescere malint, quàm Ecclesiis scandali occasionem præbere.*

Hanc οἰκονομίας rationem ad ipsius quoque dogmatis professionem trahebat Gregorius Nazianzenus. Etenim eos qui palam & apertè Spiritus sancti divinitatem contra Macedonianos profitebantur, si cum æquis hominibus & bene sentientibus agerent, generosos esse ait, si autem cum infirmis, qui hujus veritatis nondum sunt capaces, sermonem habeant, non esse οἰκονομικούς, id est providos dispensatores docet: *ei μὲν δ' ὀνόμασιν, ὡς ἄλλοι, εἰ ἢ παπεινοῖς, οὐκ οἰκονομικοί.* Quod ante damnationem hujus hæreseos à Synodo Constantinopolitana decretam à sapientissimo viro scriptum fuit: quemadmodum etiam quod in eandem sententiam in eodem argumento scripsit alibi: *βελτίον ὄν οἰκονομητικῶν τιῶ ἀληθῆναι, μὴ ῥὸν εἰς ἀπὸν ἡμῶν; ὡς περ νεφελή πρὶ τῷ χερσὶ, ἢ χαταλυτῶναι τῷ φαιερῷ τοῦ κηρύγματος.* Præstat enim veritatem dispensatione quadam conservari, ut nubi sic temporari nobis tantisper cedentibus, quàm eam apertè predicando irritam facere. Similis tamen dispensatio feliciter non cessit Honorio Pontifici, in causa Monothelitarum; licet hodie in quaestione de Auxiliis gratie prudentissimè à summis Ponti-

ficibus in usum inducta fuerit.

X. Sed quàm Cyrillus dispensationis æquitatem ceteris commendabat, suscipere renuit in causa Ioannis Chrysoctomi, qui pulsus erat episcopatus dignitate à Theophilo Alexandrino, & à synodo habita in suburbio Constantinopoleos. Hanc dejectionem repudiavit Occidentalis Ecclesia, & quia mortui nomen in diptycha Ecclesie non restituebant Orientales, suam illis communionem denegavit. Tandem Atticus Episcopus Constantinopolitanus seditione populi coactus est, de sententia Imperatoris, Ioannis nomen inter ceteros Episcopos vita functos recitare. Quod factum suum Cyrillo probare conatur, eò scilicet quòd totius orbis pacem hæc dispensatio restitueret, justitiæ utilitatem præponendo. *Ei cogitationibus nostris, inquit, ad populi concordiam inclinati, canonibus quidem patrum detrimentum nullum afferimus; exacte autem verborum observationi, universi orbis pacem præferimus. Non ignoro quidem & B. Paulum, cum ecclesiasticas ederet constitutiones, sapienter occasionebus provida dispensatione usum esse.* Cyrillus rescripsit commoto animo copiosam satis epistolam, qua inter cetera docet, dispensationem tunc esse laudandam, cum rebus quæ utiles sunt & commodæ detrimentum non affert. Paulum omnibus omnino factum, non ut partem perderet, & ceteros lucrificeret, sed ut omnes lucraretur. Equidem regula Cyrilli optima est, cum ex Augustino habeamus charitatem non esse lædendam dispensationibus, sed potius fovendam. Ceterum in regulæ usu errabat; præcipuè cum nullam rationem haberet communionis Occidentalium, quæ hoc pacto redintegrabatur. De iis enim loquitur his verbis, quæ non satis accuratè versa sunt: *Ne igitur contra te ipsum, inquit ille ad Atticum, celebres eos qui adversandi studio dissidium fecerunt, neque unquam justum iudicium de illo (id est, Ioanne) latum susceperunt.* De Romanis & Occidentalibus loquitur, ut antea dixi; quorum pacem deinde promeruit, adnitentibus maximè Africanis. De hac enim contentione intelligenda sunt Concilij Carthaginensis verba: *Placuit etiam ut de dissensione Romane atque Alexandrinæ Ecclesie ad sanctum Papam Innocentium scribatur, quò utraque Ecclesia intra se pacem, quam præcepit Dominus, teneat.* Eandem namque tollendi dissidij & restituendæ pacis temporibus Cyrilli Alexandrini curam gessit, quam testata fuerat Africana Ecclesia superiori canone, in gratiam Theophili ejus decessoris.

XI. Porro quod exemplo Gregorij Nazianzeni

... οἰκονομίας ...  
... οἰκονομίας ...  
... οἰκονομίας ...  
... οἰκονομίας ...  
... οἰκονομίας ...  
... οἰκονομίας ...  
... οἰκονομίας ...  
... οἰκονομίας ...  
... οἰκονομίας ...  
... οἰκονομίας ...

... οἰκονομίας ...  
... οἰκονομίας ...  
... οἰκονομίας ...  
... οἰκονομίας ...  
... οἰκονομίας ...  
... οἰκονομίας ...  
... οἰκονομίας ...  
... οἰκονομίας ...  
... οἰκονομίας ...  
... οἰκονομίας ...

Cirp. Naz. hom. 744.

idem. ep. xx.

P. de Balazium de vita Marce, f. 6. sum.

Anticis Ep. ad Cyrillum ...

... οἰκονομίας ...  
... οἰκονομίας ...  
... οἰκονομίας ...  
... οἰκονομίας ...  
... οἰκονομίας ...  
... οἰκονομίας ...  
... οἰκονομίας ...  
... οἰκονομίας ...  
... οἰκονομίας ...  
... οἰκονομίας ...

idem Concil. ...

Concil. ...